



სს "ენერგო-პრო ჯორჯია"

დადგენილება №სფ-0209-21
ადმინისტრაციული სამართალდარღვევის საქმის
წარმოების შეწყვეტის შესახებ

ხაშური

25 ნოემბერი 2021 წ.

1. დადგენილების გამომტანი ორგანო (თანამდებობის პირი):

ადმინისტრაციული სამართალდარღვევის საქმის განმხილველი კომისიის თავმჯდომარე - მარიამ ფარეიშვილი

2. საქმის განხილვის თარიღი: 2021 წლის 25 ნოემბერი

3. ცნობები პირის შესახებ, რომლის მიმართ განიხილება საქმე:

კობა ლომიძე

პირადი №57001017440;

აბონენტის №3810198371;

მცხოვრები: ხაშური, სოფ. ბიჯნისი

4. საქმის განხილვისას დადგინდა შემდეგი გარემოებები:

მიმდინარე წლის 22 ნოემბერს ხაშურის მუნიციპალიტეტის სოფელ ბიჯნისში აბონენტ - გიორგი ლომიძის (აბონენტის №3810198371) აღრიცხვის კვანძის შემოწმებისას, დაფიქსირდა აბონენტის შვილის - კობა ლომიძის მხრიდან ელ. ენერჯის მიწოდების თვითნებურად აღდგენის ფაქტი. აღნიშნულის თაობაზე 22 ნოემბერს ხაშურის მ/ც-ის მე-2 უბნის მენეჯერის ილია გელაშვილის მიერ შედგა ადმინისტრაციული სამართალდარღვევის ოქმი ას №006181. კომისიამ გამოიკვლია წარმოდგენილი დოკუმენტაცია. როგორც გამოირკვა, №3810198371 აბონენტის გიორგი ლომიძის სახელზე რეგისტრირებული მრიცხველი მ/წლის 10 ნოემბერს დავალიანების გამო გაითიშა ქსელიდან (გათიშვის ჩვენება 7832), ხოლო აღრიცხვის კვანძის შემოწმების მომენტში დაფიქსირდა ელ.ენერჯის მიწოდების თვითნებურად აღდგენისა და ელ.ენერჯის მოხმარების ფაქტი, რაც დადასტურდა მრიცხველის მომატებული ჩვენებით (7838). აღნიშნული ქმედება სემეკის 28.06.21 №19 დადგენილებით დამტკიცებული "ელექტროენერჯის გამანაწილებელი ქსელის წესების" 33-ე მუხლის შესაბამისად, ითვლება ადმინისტრაციულ სამართალდარღვევად. კობა ლომიძის მიმართ 2021 წლის 22 ნოემბერს შედგენილ ადმინისტრაციულ სამართალდარღვევის №006181 ოქმს ხელს აწერს აღნიშნული პირი, რომელსაც იქვე გადაეცა ადმინისტრაციული სამართალდარღვევის ოქმი. მან ოქმში, ახსნა-განმარტების გრაფაში, აღიარა სამართალდარღვევის ჩადენის ფაქტი და აღნიშნა, რომ მსგავსი შემთხვევა აღარ განმეორდება.

კობა ლომიძის მიერ ელ.ენერჯის უკანონო მოხმარება (სამართალდარღვევა) წარმოადგენს პირველ შემთხვევას, რაც დასტურდება საქმეში წარმოდგენილი შსს საინფორმაციო-ანალიტიკური დეპარტამენტის საინფორმაციო ცენტრის მიერ 2021 წლის 25 ნოემბერს ელექტრონულად

სს „ენერგო-პრო ჯორჯია“

გამოგზავნილი ინფორმაციით. ასევე, არსებობს კ. ლომიძის აღიარება, რომლითაც დასტურდება მის მიერ ელ.ენერჯის მოხმარებისა და აღრიცხვის წესების დარღვევა. ამასთან, ფაქტია, რომ ელ.ენერჯის თვითნებურად აღდგენა მხოლოდ აბონენტის ინტერესში შედის. საქმეში დევს დადასტურება, რომ სამართალდამრღვევს ეცნობა საქმის განხილვის დროისა და ადგილის თაობაზე. თუმცა, გამოუცხადებლობის საპატიო მიზეზებისა თუ გადადების თაობაზე სამართალდამრღვევს არანაირი განცხადებით კომისიისთვის არ მოუპართავს. ამდენად, კომისია მისი დასწრების გარეშე უფლებამოსილია განიხილოს და მიიღოს გადაწყვეტილება ზემოაღნიშნულ საკითხზე. ადმინისტრაციულ სამართალდარღვევათა კოდექსის 236-ე მუხლის თანახმად, ადმინისტრაციული სამართალდარღვევის საქმეზე მტკიცებულებას წარმოადგენს ყველა ფაქტობრივი მონაცემი, რომელთა საფუძველზეც დგინდება სამართალდარღვევის არსებობა/არ არსებობა, თუ პირის ბრალეულობა მის ჩადენაში. ამდენად, საკმარისი მტკიცებულებებია წარმოდგენილი (სამართალდარღვევის ოქმი; კობა ლომიძის აღიარება სამართალდარღვევის ჩადენის თაობაზე, შსს საინფორმაციო-ანალიტიკური დეპარტამენტის საინფორმაციო ცენტრის ინფორმაცია; საქმის განხილვის დროისა და ადგილის თაობაზე ჩაბარების დადასტურება), რომელთა მეშვეობითაც დგინდება კობა ლომიძის (პირადი №57001017440) მიერ ადმინისტრაციულ სამართალდარღვევათა კოდექსის 96¹ მუხლის 1-ლი ნაწილით გათვალისწინებული სამართალდარღვევის ჩადენის ფაქტი, ელ.ენერჯის მოხმარება აღრიცხვის წესების დარღვევით. სამართალდარღვევის ოქმი შედგენილია ა.ს.კ 240-ე მუხლის მოთხოვნათა დაცვით. აგრეთვე, დაცულია ადმინისტრაციულ სამართალდარღვევათა კოდექსის 38-ე მუხლის 1-ლი ნაწილით დადგენილი ადმინისტრაციული სახდელის დადების ორთვიანი ვადა. თუმცა, სემეკის 28.06.2021 წლის №19 დადგენილებით დამტკიცებული „ელექტროენერჯის გამანაწილებელი ქსელის წესების“ 33-ე მუხლის მე-3 პუნქტის შესაბამისად, სამართალდარღვევის ფაქტის გამოვლენისას, არ იქნა შედგენილი შესაბამისი აღრიცხვის კვანძის შემოწმება-მიღების აქტი. შესაბამისად, ადმინისტრაციული სამართალდარღვევის ოქმი შედგენილ იქნა ამავე მუხლის მე-9 პუნქტის დარღვევით. აღნიშნულის გამო, მიუხედავად იმისა, რომ დადასტურებულია სამართალდარღვევის ჩადენის ფაქტი, ადმინისტრაციული სამართალდარღვევის საქმის წარმოება უნდა შეწყდეს.

5. ზემოაღნიშნულის საფუძველზე, ვიხელმძღვანელებ რა საქართველოს ადმინისტრაციულ სამართალდარღვევათა კოდექსის 96¹ მუხლის 1-ლი ნაწილით; მე-10; 38-ე; 232-ე; 236-ე; 240-ე მუხლებით; სემეკის 28.06.21 წლის №19 დადგენილებით; ს/ს „ენერგო-პრო ჯორჯიას“ გენერალური დირექტორის 16.09.10 წლის RU №2010009 წესით და 30.06.21 წლის Or №22021018 ბრძანებით

და ვ ა დ გ ი ნ ე:

6. კობა ლომიძის (პირადი №57001017440) მიმართ დაწყებული ადმინისტრაციული სამართალდარღვევის საქმის წარმოება შეწყდეს საქართველოს ადმინისტრაციულ სამართალდარღვევათა კოდექსის 232-ე მუხლის საფუძველზე.

7. სპეციალური საექსპერტო დაწესებულებისა (ექსპერტისა) და თარჯიმნისათვის ასანაზღაურებელი მომსახურების ხარჯების კომპენსაციის საკითხი: -----

8. დადგენილება შეიძლება გასაჩივრდეს მისი ჩაბარებიდან/საჯარო გამოცხადების გზით ჩაბარებულად ჩათვლიდან 10 დღის ვადაში საქართველოს ენერგეტიკისა და წყალმომარაგების მარეგულირებელ ეროვნულ კომისიაში (მის: ქ. თბილისი, მიცკევიჩის ქ. №19).

უფლებამოსილი პირის ხელმოწერა:

კომისიის თავმჯდომარე:
მარიამ ფარეიშვილი

2. ვახუშტაძე